

# AQQUT Ukiumoortumik nalunaarusiaq 2025

AQQUT aqqutissiuussisunut – Aqqutissiuussisut  
nakussatsippagut, innuttaasut amerlanerit  
periarfissilluarumallugit.



## Imarisaa

|                                                                                                               |    |
|---------------------------------------------------------------------------------------------------------------|----|
| SIULEQUT .....                                                                                                | 3  |
| 2025-mi sammineqartut.....                                                                                    | 5  |
| Nunatsinni nunanilu avannarlerni sammineqartut.....                                                           | 5  |
| Piginnaasanik avitseqatigiinneq nunallu assigiinngitsut akornnganni saqqummiinerit.....                       | 5  |
| NEETS I Grønland NLL-ip iluarsartuullugu pilersaarusiaa .....                                                 | 6  |
| Namminermi inerisaaneq piginnaanngorsaanerlu .....                                                            | 6  |
| Ilinniartitaanermi piginnaanngorsaanerlu suliniutit.....                                                      | 7  |
| Aqqutissiuussisutut tunngaviusumik ilinniagaq .....                                                           | 7  |
| Ilinniagaqaqqinnermi modulit .....                                                                            | 7  |
| Ilinniartitaanermik paasisitsiniaalluni angalaneq 2025 .....                                                  | 7  |
| Aqqutissiuussineq pillugu inerisaanissamik Pilersaarusiaq .....                                               | 8  |
| Karriere pillugu atuarfimmi aqqutissiuussinerlu nukittorsagaq.....                                            | 8  |
| Karriere pillugu ilinniarnermik ukkataqarneq: Professor Rie Thomsen peqatigalu ullormi<br>sammisaqarneq ..... | 9  |
| 2026-mut annertunerusumut atassusiilluni isiginninneq.....                                                    | 10 |

## SIULEQUT

Ukioq 2025 ineriartoqqinnermik aqqissuussaanikkullu allannguinnermik annertuunik AQQUT-mut nassataqarpoq.

2025-mi juulip aallaqqaataani AQQUT immikkoortunngortinneqarluni pilersinneqarpoq taaguuserneqarluni – AQQUT – Nunatsinni Aqqutissiuussisoqarfik. Ilinniartitaanermi immikkoortut akimorlugit pitsaassutsimik nukittorsaaneq aqqutissiuussinermilu ataqatigiinnerulernissaq pilersikkumallugu nuna tamakkerlugu aqqutissiuussinerni suliniutinik inerisaaneq naliliinerlu immikkoortortap isumagisassarai. Ukkatarineqartussaq ersarissarneqartoq: Nunami tamarmiusumi innuttaasut inuuneq naallugu ilinniartitaanermut, piginnaanngorsaanermut suliffeqalernissamullu pitsaaneruseqarpoq periarfissinneqarnissaat tunaartarlugu AQQUT-ip aqqutissiuussisut tapersersussavai.

Aamma QINNGORNEQ AQQUT-mit immikkoortinneqarpoq nuunneqarlunilu INULERIVIK-mut – Nuna Tamakkerlugu Katsorsaavik Siunnersuisarfillu. QINNGORNEQ-rup nunatsinni atuarunnaareerlutik ilinniagaqalersimasunut tamanut tarnikkut siunnersuineq ikiorsiinerlu suli neqeroorutigisarpaa.

Angusaqarumalluni inerisaanermut ilaatillugu AQQUT-ip iluani ulluni aalajangersimasuni immikkoortortaqaqfimmi siunissami anguniagaqalernissaq ukkataralugu suliaqartoqarpoq. Takorluugaq (vision) aamma siunertaq (mission) nutaaq suliaqartoqarnerata inernerivaa:

### **Takorluugaq**

Aqqutissiuussinermi sinaakkutit pitsaanerpaat pilersippagut.

### **Siunertaq**

AQQUT-ip ilinniarneq, ilisimatusarneq ilisimasallu aqqutigalugit siunissami aqqutissiuussinermi inerisaasuulluni isumassarsitsisuullunilu tikkuussisuuvoq. Aqqutissiuussisut pillugit AQQUT piuvoq.

Ilinniartitaanermi suliffeqarnermilu nuna tamakkerlugu angujumasatigut sinaakkutaasut aamma ilinniagaqartut amerlanerulersikkumallugit, aqutissiuussinermi pitsaassuseq nukittorsarniarlugu aamma piginnaasaqarnerup inuiaqatigiinnilu pisariaqartinneqartut nukittorsarneqarnissaannut ungasinnerusumut anguniakkat 2025-mi sulinermi aallaaviupput.

Nunap iluani nunanilu avannarlerni suleqatigiinnikkut aamma aqutissiuussisut piginnaasaasa inerisarnissaat anguniarlugu AQQUT suliaqarpoq. Taakku ilutigalugit ilinniartitaanermi aamma aqutissiuussinermi unammilligassanut ilisimasanik ukioq tunniussaqqarpoq, siusinnerusukkut ataqatigiinnerusumillu aqutissiuussinermik pisariaqartitsineq, inuusuttut akornganni kajumissusermik annertusaaneq kiisalu piginnaasaqarfiit akimorlugit inuit immikkut pisariaqartitsisut pillugit suleqatigiinnerup nukittorsarneqarnissaanik pisariaqartitsineq pillugu.

Ataatsimik isiginninneq sulissussinerlu tikinneqarsinnaasoq AQQUT-ip nangillugu ukiuni aggersuni ingerlateqqissavaa, aqutissiuussisunik tapersersuinikkut innuttaasut ataasiakkaat periarfissaat inuiaqatigiillu kattullutik piginnaasatigut aallaavii nukittorsarneqassapput.

Ukiup naanerani H. J. Rinkip Aqqutaa 45-mut ininut nutaanut AQQUT nutserpoq, siornatigut taanna Kompetencehuset-imik taaneqartarpoq. Illu naleqqussagaagami immikkoortortaqqarfiup sammisaanut tapersersuivoq, naleqqussaanerlu ukiuni aggersuni ingerlateqqinneqassaaq.

Suleqatigineqartartut, aqutissiuussisut aamma allat suliaqartut 2025-mi aqutissiuussinermi ineriartornermut nukittorsaanermullu tapersiissuteqartunut naggataatigut qujavunga.

Atuarnissamut kajumikkina.

## 2025-mi sammineqartut

### Nunatsinni nunanilu avannarlerni sammineqartut

Karrieremik aqqutissiuussineq, peqataatitsineq piginnaasanillu inerisaaneq ukkataralugu 2025-mi ataatsimeersuarnerni assigiinngitsuni, attaveqatigiinni aamma suleqatigiiffinni AQQUT peqataasarpog. Nunatsinni nunanilu avannarlerni ilisimasanik katersinissamik, misilittakkanik avitseqatigiinnissamik ineriartornermullu tapersersuinissamik siunertaqarpoq.

Ukiup ingerlanerani inuusuttut ilinniartitaanerup suliffeqarnerullu avataaniittut ukkataralugit atuisunik killiffiliiniarluni ataatsimiittoqartarpoq. Ilinniakkat, suliffeqarneq inuinnaallu ataatsimoorfii akimorlugit pineqartuni sammisaqartut katersuutsinneqarnerisigut ukunatigut tapersiuteqartoqarpoq:

- suliniutinik pioreersunik tamanik ataatsimut isiginnissinnaanngorneq
- suliaqartut akornganni suleqatigiinnermik nukittorsaaneq
- angujumasat pisariaqartitaannik ataatsimoorussamik paasinninneq

### Piginnaasanik avitseqatigiinneq nunallu assigiinngitsut akornganni saqqummiinerit

2025-mi aqqutissiuussisunik tapersiiniarluni AQQUT-ip suliaanut ilaatillugu ilisimasassat piginnaanngorsaanerillu aqqutigalugit piginnaasaqarfinni aqqissuussinerit webinarillu nunat assigiinngitsut peqataanerisigut ingerlanneqarput. NEET-imit angujumasat pillugit ilaatigut webinarertoqarpoq, aamma nunani assigiinngitsuni inuusuttut ilinniagaqanngitsut suliffeqanngitsullu pillugit ilisimatusarnerit nunatsinnilu aqqutissiuussinermut annertunerusumik isiginninnerit ukkataralugit professor Tristram Hooley internetikkut saqqummiivoq.

Taassuma saniatigut professor Rie Thomsenip karriere pillugu ilinniarnaq aqqutissiuussinerrullu ilinniartitaanermut peqataatinneqarluni pingaartinneqarnissaanik aamma inuusuttut ilinniakkamit suliffimmut ikaarsaariarnerisa pingaaruteqarneranik ukkataqarluni peqataavoq.

Ingerlatat immikkortortat akimorlugit ilisimasanik avitseqatigiinnermik, piginnaasatigut isumassarsinissamik aqqutissiuusseriaatsinillu inerisaaqqinnissamik tapersiippat.

## **NEETS I Grønland NLL-ip iluarsartuullugu pilersaarusiaa**

Nunani avannarlerni suleqatigiinnermi iluarsartuullugu pilersaarusiami AQQUT peqataavoq – Nordisk Netværk for Livslang Læring (Inuuneq Naallugu Ilinniarneq Pillugu Nunat Avannarliit Attaveqaqatigiiffiat) – Åland Savalimmiullu suleqatigalugit. Iluarsartuullugu pilersaarusiami inuusuttut NEET-imi inissisimasut ukkatarineqarput, tassaallutik inuusuttut ilinniagaqanngitsut, suliffeqanngitsut sungiusarlutillu suliffeqanngitsut.

Aqqutissiuussisut pitsaanerusunik sinaakkutissaqalernissaat siunertarineqarpoq, taamatullu iliuuseqarnikkut sullikkusutat pitsaanerusumik anguneqarsinnaanissaat iluaquserniarneqarluni. Tassunga atatillugu aqqutissiuussisunut allanullu soqutiginnittunut 9. oktoberimi internettikkut ataatsimiititsisoqarpoq, tassuunalu NEET-imi peqataasut misilittagaat ilisimasaallu ingerlateqqinneqarlutik, aamma iluarsartuullugu pilersaarusiami NUIKI-mi misilittagaasut nunaqarfinni inuusuttunut ilinniagaqalernissamut suliffeqalernissamullu iluaqutissiissutaasut ilanngunneqarput.

Nunani avannarlerni misilittakkat avitseqatigiissutigineqarnissaannut kiisalu sullinniakkanik assigiinngitsutigut pisariqartitalinnik aqqutissiuussinermik periutsinik inerisaanissamut iluarsartuullugu pilersaarusiaq nukittorsaallunilu iluaqutaavoq.

## **Namminermi inerisaaneq piginnaanngorsaanerlu**

Namminermi piginnaanngorsaanerlik ingerlaavartumik AQQUT ukkataqareerpoq. Pikkorissaanertigut, qulequtaqarluni suleqatigiinnertigut aamma inuttut ineriartornertigut immikkoortortaqarfinni tunngaviusumik piginnaasassat ataatsimullu tunaartaqarneq nukittorsarneqarput.

Tusagassiilluni allakkanik nassitsinikkut aamma nunani avannarlerni ilisimasalik avitseqatigiilluni suleqatigiinnikkut paasissutissiineq takussaasunngortitsinerlu aamma sammeneqarput. Aqqutissiuussinermut, karrieremi ilinniarnermut sullinniakkanullu ilisimasat suliaqartunut suleqataasunullu pitsaasumik anngunnissaanut tamanna iluaqutaavoq.

# **Ilinniartitaanermi piginnaanngorsaanermilu suliniutit**

## **Aqutissiuussisutut tunngaviusumik ilinniagaq**

Aqutissiuussisutut tunngaviusumik ilinniagaqartut ilinniaqatigiit marluk 2025-mi ingerlapput.

Ilinniaqatigiit 2024-2025 ilinniagaq 2025-mi juunimi naammassivaat. Ilinniagaqartut Majorianit, atuarfinnit qitiusumillu ilinniarfinneerput.

Ilinniaqatigiit kingulliit 2025-2026-mi aallartittut ilaatigut Majorianit, atuarfinnit, qitiusumik ilinniarfinnit, højskolenit aamma pinerluttunik isumaginnittoqarfimmit ilinnialerput. Ilinniartut siammasissuumeernerata aqutissiuussinermi immikkoortumi piginnaanngorsaanissamik pisariaqartitsineq takutippaa.

## **Ilinniagaqaqqinnermi modulit**

2025-mi ilinniagaqqinnermi modulit marluk ingerlanneqarput:

- Ilinniakkamik naammassinninnissaq siunertaralugu aqutissiuussineq, aqutissiuussisut marluk ilinniakkamik naammassinnipput
- Inersimasunik aqutissiuussineq karrieremillu ineriartorneq, aqutissiuussisut sisamat ilinniakkamik naammassinnipput

Nalunaartut ikippallaarnerat pequtaalluni 2025-mi ukiaanerani ukiuuneranilu ilinniaqatigiinnik nutaanik pilersitsisoqanngilaq.

## **Ilinniartitaanermik paasisitsiniaalluni angalaneq 2025**

Sap. ak. 43-45 Ilulissani aallartittumi kinguneranilu Aasiannut, Sisimiuni, Nuummuk Qaqortumullu Ilinniartitaanermik paasisitsiniaalluni angalasoqarpoq.

Najukkani ersarissaanermut, oqaloqatigiinnernut ilisimasanillu avitseqatigiinnernut angalaneq tapersiuteqarpoq, aamma ilinniarfiit, aqutissiuussisut suliaqartullu allat attaveqatigiinnissaannut nukittorsaataalluni. Ukiumi pineqartumi AQQUT immikkut saqqummersitsiveqarani peqataavoq. Ilinniartitaanermik paasisitsiniaalluni angalanerup piareersarneqarnerani AQQUT-ip isumagineqarnerani attaveqatigiinneq naliliinerlu ukkatarineqarput. Aaqqissuisut aamma ilinniarfiit/suliffeqarfiit ornillugit oqaloqatigineqarput.

Ilinniartitaanermik paasisitsiniaalluni angalanermi nunap immikkoortuani aqutissiuussisut attaveqaqatigiiffianni Qaqortumi ataatsimiittoqarpoq, tamannalu tigulluarneqarlunilu immikkoortortaqaarfiit akimorlugit suleqatigiinnermut tapersiilluarpoq.

## **Aqutissiuussineq pillugu inerisaanissamik Pilersaarusiaq**

### **Karriere pillugu atuarfimmi aqutissiuussinerlu nukittorsagaq**

Atuarfimmi karrieremik ilinniarneq kiisalu aqutissiuussinerup nukittorsarneqarneri inerisarneqarnerilu Ilinniartitaanermut Pilersaarut 2025-mi, Ilinniartitsinermut Periusissiaq 2024-2030-mi aamma Attassiinnarnissamut Ineriartortitsinissamullu Pilersaarut II-mi anguniakkat AQQUT-ip 2025-mi immikkut ukkataralugit aallaavigai.

Aqutissiuussinermi nalinginnaasumik piginnaangorsaanerup pisariaqartinneqarnera, aamma ataqatigiinnerusumik assigiissakkamillu atuarfinni, inuusuttut ilinniarfiini suliaqartunilu allani suliniuteqarnissaq nuna tamakkerlugu pilersaarutini pisariaqartinneqartoq taakkartorneqarpoq. Atuarfimmi aqutissiuussisutut sulinerup nukittorsarneqarnissaanik piginnaangorsaaffigineqarnissaanillu tamanna ilaatigut kinguneqassaaq, aamma atuartut ilinniakkamik suliffissamillu toqqaaniarneranni aqutissiuussisut ilinniartitsisullu tapersiinnissamut piginnaasaat pineqarput.

Karrieremik ilinniarneq atuartitsinermut ilaatinneqaraangat siunissamilu periarfissanut tigussaasunut atassuserneqaraangat atuartut ilinniagaqarnissamut kajuminnerat ilinniarfissamullu ikaarsaarnarat annertuumik nukittorsarneqartartoq ilisimatusarnerup sulinermilu misilittakkat takutippaat. Piginnaasaqarfiit imarisaat atuartut namminneq soqutigisaannut, nukittuffiitut aamma pingaartitaannut naleqqiunneqaraangata tamanna pingaartutut misigineqartarpoq, ilinniakkamillu inuussutissarsiutissamillu tunngavissaqarlualuni toqqaanissaq tunngavissinneqartarluni. Tamanna angajullerni atuartunut immikkut pingaaruteqarpoq, tassanimi toqqaaniarneq assigiinngitsutigut ajornaatsuinnaangitsutut misiginartarmat.

## Karriere pillugu ilinniarnermik ukkataqarneq: Professor Rie Thomsen peqatigalu ullormi sammisaqarneq

Nunatsinni aqutissiuussinerup pitsaassusianik AQQUT-ip nukittorsaanerata ilaatut 2025-mi piginnaasaqarfimmi ullormi sammisaqarneq piviusunngortinneqarpoq Danmarkimi Karriere pillugu aqutissiuussinermut professori siulleg, Rie Thomsen peqatigalugu. Pisortatut Ilisimatusarfimmi Nuummiittumi ulloq sammisaqarfiusoq ingerlanneqarpoq, tassanilu inuit najuullutik internettikkullu peqataasut 40-t missaanniipput, tassaallutik aqutissiuussisut, atuarfinni pisortat, naalakkersuisoqarfinni atorfillit, Majoriamit peqataasut aamma qitiusumik ilinniartinnit kiisalu suliaqartut pingaartut allat peqataasut.

Karrieremik ilinniarneq karrieremillu aqutissiuussineq ataqatigiissinneqarnissaat ullormi sammisaqarnermi ukkatarineqarpoq. Karrieremik ilinniarneq aqutissiuussinermi immikkut isumagisassaanngilaq, ilinniartitsinermulli tunngassuteqarluni atuartitsinermut ilanngunneqartartussa. Aqutissiuussineq pitsaassuseqarluassappat taava ilinniagaqarnermut sulinermullu atuartut namminneq periarfissaminnik paasinninnerat ingerlaavartumik ineriartortinneqartariaqarpoq. Taamaattumik suliniutit immikkoortut marluusut sulinermi annertunerusumik ataqatigiissinneqartariaqarput.

Karriere pillugu narlusuumik, qummut ingerlasumik ittangasumillu paasinnittaaseqarneq Rie Thomsen-ip unammillerpaa, tassungalu taarsiullugu karriere tasaanerarpaa inuunerup ingerlarnga. Inuusuttunik sullissinermi paasinnittaaseq taanna immikkut pingaaruteqarpoq, taakkumi misigisarpaat “eqqortumik” toqqaanissaq siusissukkut pisussatut naatsorsuutigineqartartoq. Sukkasuumik toqqaatitsineq aqutissiuussisup suliassarinnigilaa, aalajangernerli alapernaannermik, isumaliorluarnermik iliuuseqarnermilu piginnaasaqarnermik tunngaveqartariaqarpoq.

Ilaatigut angajoqqaat peqataatinnerisigut, suliffeqarfinnut pulaarnertigut atuartitsinikkullu atualeqqaarnermiilli karrieremik ilinniarnernup siusissukkut ilaatinneqartarnissaa aamma ukkatarineqarpoq, taakkunatigullu atuarfimmi atuartitsissutit inuiaqatigiinnilu suliffissat

ataqatigiinnerat erseqqissarneqartarpoq. Danmarkimi suliniummi SamVej-projektet-imi misilittakkat takutippaat, Rie Thomsenip ujartugaanik “siunissamik akkiinermik” taasaanut ilinniakkat suliffeqarfiillu atuartunut tunniussaqaarsinnaasut – inuunerup periarfissanik arlaqartunik imaqaqneranik paasinninnerup aallartinneranik tunniussaqaarsinnaasut.

Sammissaqaqnermi nunatsinni karrieremik ilinniarnernup karrieremillu aqputissiuussinnerup ataqatigiissinnissaannut nukittorsaanissamat isumassarsiat tigussaasut ullormi peqataasut tapersiillutik saqqummiuppaat. Oqaloqatigiinnerni atuartitsinnerup, aqputissiuussinnerup ikaarsaariarfinnilu suliaqarfiit qaninnerusumik ataqatigiinnerusariaqarnerat ersersinneqarpoq taamaalilluni atuartut tamanut isiginiarnerusumik sullinneqartassammata. Tak. ilanngussaq.

### **2026-mut annertunerusumut atassusiilluni isigininneq**

2025-mi aqputissiuussisut piginnaasatigut sullikkumallugit AQQUT-ip suliniuteqarnini anguniakkaminik allanngortitsinera 2026-mi nangillugu inerisaaneq, piginnaanngorsaaneq aamma nuna tamakkerlugu aqputissiuussinermik piginnaasaqarneq nukittorsarneqassaaq.

Aqputissiuussinermik nukittorsaalluni suliaqarnini AQQUT-ip 2026-mi ukunatigut nangeqqissavaa:

- Nuna tamakkerlugu aqputissiuussinermi periusissiamik suliaqarneq aallartinneqassaaq, tassani ukiuni pingasuni aqputissiuussinermi suliniutissanut sinaakkutissaat inerisarneqassapput.
- Aqputissiuussisut piginnaanngorsarnerat nanginneqassaaq, aqputissiuussisullu piginnaasatigut pisariaqartitaat annertunerusunik ukkatarineqassallutik, tassuunalu sulinnermi unammilligassat qulaajarneqassapput, aqputissiuussinermilu atortussat sakkussallu inerisarneqassallutik.
- Suleqatigiinneq, ilisimasanik avitseqatigiinneq aamma aqputissiuussinermi

piginnaasatigut sakkussat aqutigalugit ilinniagaqarnerup, suliffeqarnerup aqutissiuussinerullu ataqtigiinnerata nukittorsarneqassaaq.

- Aqutissiuussisut piginnaasaanik, periaasaannik aamma immikkoortortaqrfiit akimorlugit suleqtigiinnikkut inuusuttut ilinniagaqanngitsut suliffeqanngitsullu ilaatinneqarnissat peqataatinneqarnissaallu annertunerusumik taperserniarneqarpoq.
- Nunap iluani nunanilu avannarlerni suleqtigiinnerup ineriartorteqqinneqarnissaa.
- AQQUT-ip aqutissiuussisunik pingaarnertut sullitaqarnissaanik ukkataqarnerup saniatigut aqutissiuussinermi ilisimasanut atortussanullu pissarsisinnaanerat AQQUT-ip nittartagaani nutarteriffigineqarluni nukittorsarneqassaaq.
- Aqutissiuussisunut ataatsimeersuarneq 16.-18. september 2026-mi ingerlanneqassaaq.

Aqutissiuussinermi ataqtigiisumik piginnaasatigullu tunngavilersukkamik aaqqissuussinissamik tapersiuteqarnissaq anguniarneqarpoq, tassanilu aqutissiuussisunik tapersiinnikkut innuttaasut ataasiakkaat periarfissaat ikiorserneqassapput, peqatigisaanillu inuiaqatigiit piginnaasassanik pisariaqartitsinerat naammassiniarneqassalluni.

Qujanaq AQQUT-ip suliaanut soqutiginnikkavit.